



جابتن مفتي نكري فمئع

ٲ

قوله تعالى:

فَسَأَلُوا أَهْلَ الذِّكْرِ إِنْ كُنْتُمْ لَا تَعْلَمُونَ

السلام عليكم ورحمة الله وبركاته

Soalan :

Assalamualaikum, saya ingin tuan menerangkan bagaimana pembahagian harta si mati mengikut situasi dibawah.

1. Si mati ada anak kandung 2 orang anak perempuan umur dah 30an dan dah kahwin.
2. Arwah ada anak tiri 3 orang perempuan umur 18 tahun dan bawah dari itu 2 orang.
3. Isteri pertama cerai hidup dan kahwin baru. Isteri baru pun dah meninggal yang ada mak mentua dan anak tiri.
4. Harta berbentuk wang dan rumah.
5. Rumah itu dibina atas tanah isteri baru.
6. Ada sebiji motosikal yang dah lama beli dari isteri pertama.

Sekian terima kasih.

و عليكم السلام ورحمة الله وبركاته

Jawapan :

Alhamdulillah terima kasih atas pertanyaan tuan, mudah-mudahan kita semua sentiasa dalam naungan rahmat Allah C. Berdasarkan kepada soalan tuan, kami berpandangan :

1. 2 orang anak kandung perempuan si mati tersebut **layak** mendapat harta peninggalan secara faraid sebanyak $\frac{2}{3}$ daripadanya.
2. Anak tiri **tidak layak** mendapat harta peninggalan si mati.
3. Isteri yang sudah dicerai **tidak layak** dapat harta peninggalan si mati. Begitu juga dengan anak tiri isteri baru **tidak layak** dapat harta peninggalan si mati.
4. Harta peninggalan arwah, **Wajib** di bahagikan mengikut faraid, dengan cara menjualnya atau sebagainya.
5. Tanah tersebut **wajib** di faraidkan :
 - i. $\frac{2}{3}$ anak perempuan.
 - ii. $\frac{1}{3}$ baitulmal.
6. Motosikal **Wajib** di faraidkan, dengan cara menjualnya atau sebagainya kemudian dibahagikan mengikut faraid. Contohnya jual dengan harga RM 3000.00. maka dibahagiakan 3. $\frac{2}{3}$ untuk anak perempuan (nilaiannya RM 2000.00) dan $\frac{1}{3}$ untuk baitulmal (nilaiannya RM 1000.00).

Rujukan :

- 1) Terjemahan Alquran, ayat 7, 11, 12 dan 176 dalam surah al-Nisaa.
- 2) Kitab Mughnil Muhtaj, As-Sheikh Muhammad Al-Khatib As-Syarbin

